

Timotire Quraŋ 2

Polji Timotire Quraŋ ruame 2 fukeya.

Mimitaniŋ

Polji igokoine eru jeŋoŋ ogo babapiine Timotire “Gema uŋsowoŋ buŋone tatariine otebemiŋ,” miku Biŋe Quraŋ yo quraŋgaya. Buŋo buruine qoruine oi oroiŋere yameŋyameŋ. Polji oi mitaniŋgaru maŋine kitiŋgaku uŋsowoŋine iŋi oteru quraŋgaya: Timoti goji damaŋ so dimaku Yesu Kristore fuŋne kitiŋgaku miku goigoŋ. Bobiaŋ Biŋe eru Jojofo Buru Raŋgbaine manege, oi qakatoru ore buŋoine foriine yobu oi ŋiŋigo qaji yareru maŋbapakare gio baeigoŋ. Kiso eru garebi joiserereŋ fuŋne bofukeru manenoŋ ine, jibu Anutuji gio gareya ore so oi yameŋ keku baeigoŋ.

Polji siŋaŋ bobo buŋo sananiŋe Timoti iŋi oteya: Goineji “qaqouma paiineo kekepari omaine eru kajeboji eegobi” goji ore buŋoo roperu damaŋgo bojigojibugaru egu sibirigaiŋ. Kekepari buŋo oŋuine oiji ŋiŋigo so yobu bapi yabeegobiyoŋ, ŋiŋigo kaje ruaru maneegobi oi bosembe yabeko sibiriganimiŋ.

Polji uŋsowoŋ buŋoine sosowo kitiŋ gaiŋgo ore iŋoyoŋere gogore binaŋ quraŋgaya. Wamore uruŋu gio buruine ruaru jigo qaku goya, Timotiji ore buŋoine egu niga gaiŋ ore oi iŋi mitaniŋgaya, “Nonji Yesu manesiŋ garu yobiŋ maneku karieru maŋjijojoko eru goboŋ. Kekesuesue enarebi joiserereŋ maneru yameŋ keku sananiŋgaru dimaboŋ.”

Buk yoore mobe qoruine 5 oi iŋi:

Buŋo fuŋfuŋgaine 1.1-2

Anutu miteŋ gaku Timoti uŋsowoŋ oteya 1.3–2.13

Kajeqouŋ eru siŋaŋ bobo buŋo goine 2.14–4.5

Pol poreru qoimo etebi goya 4.6-18

Qurande buŋo koruŋ qoruine 4.19-22

1 ¹ Anutu maŋ aŋiineji mitigaru Pol noŋ igodoŋ nuko Kristo Yesure aposol fukego. Kristo Yesuke qakatoru dimabeneŋ gogo sananiŋe

noreiŋ ore buŋoine kipeya ore Biŋe buŋoine mitaniŋgabemiŋ ore sore nume gogo.

²Timoti goji mamesinde yoro madene fukege. Nonji goke buŋo mimane enimi ore quraŋ yo quraŋgago.

Mamanoŋuŋ Anutu eru Ofonŋoŋuŋ Kristo Yesu, yokoji ŋonemaiŋ yaunmoriri garebire womoo goigoŋ.^a

Polji Timoti maŋine kitiŋgaku buŋo miya.

³Nonde apa ŋasopuneji Anutu kiŋaŋ qateku gobi nonji jikigaru gioine babe Anutuji “Ŋone gube sagaga,” najime maŋkajeneo oŋu maneege. Maŋne gbagbataeŋine fukeko Anutu miteŋ gaego. Miteŋ garu una ubu oŋga wosiru go jijiki manesu guego. ⁴Boke gube kuyomeŋ jiŋo obugo wakiya, nonji oi manesuku ŋone gubemiŋ ore aŋine sogo maneru yameŋ keego. Ŋone guru aŋibaŋi ŋebire jeribariji maŋne puseiŋgo ore manego.

⁵Goji kikoine tomiri ofori Yesu manesiŋ garu goge, buŋo oi maŋ yoroneo peko manesuego. Rone abugo Lois eru maŋgogo Yunis yokoji maŋyakuŋ kerisiebire mamesiniyakunji fukeya. Yokore ŋadiyakunŋo goji oŋuakoŋ eru goge, oi manesiŋ sanangago.^b

⁶Ore eru nomeniga egu gomiŋ ore buŋo iŋi kegboreru gajigo: Nonji rone mene qorugoo ruaru oŋga wosibe Anutuji gio bobore mamane yaun gareko maŋgoo pega, oi bogborende jo boruŋ oŋuine sanangaru jaku so eleleŋ eiŋ. ⁷Buŋo yo manesuigoŋ: Anutuji Moro Tiriine oi ruruine ruaru sombunoŋuŋ manekimiŋ ore matayoŋ, iŋoyoŋunde usunde Moro noreko soine maŋnoŋunji jojoko nadunŋaduŋ eku eebobonoŋuŋ poretiŋ sisiŋaŋ eeku dimainebeneŋ.

⁸Ore eru Ofonŋoŋunde buŋo kitiŋgaku misaueiŋgo etaŋqataŋ so eiŋoŋ. Oŋu matayoŋ, noŋ oŋuine fukeru goigoŋ. Nonji Ofonde gio baku gokabe ore eru witi pigo ruabi ŋegoyoŋ, jibu nonde eru mimi so maneru goigoŋ. Go sanangaru noŋ oŋuine koimo dimaku mande gio baku goigoŋ. Bobiaŋ Biŋere eru igosisi egarenobuŋ ine, ore joiserereŋ maneku karieru osigaru goigoŋ. Anutuji usuŋ gareega ore so oi soine noke moko yameŋ keku osigaru gonimi.

⁹Anutuji ronere ronekoŋgo Sombuŋ moreŋ so bofuke yaperu damaŋ oo noŋunde manesuku buru iŋi ruaya: Anutuji Kristo Yesure eru yaunmoriri noreiŋ. Buru oi ruame peko go waperu gobi noŋuŋ fukebeneŋ. Fukebeneŋ Anutuji noŋuŋ iŋore biŋe fukeru gbagbataeŋine gokimiŋ ore oŋga noreru munaŋ qa noreya. Noŋuŋnoŋe ya fiine babeŋ ore eru so roosoe noberu oŋga noreyayoŋ, iŋoyoŋunde buru raŋgbaŋine oi boyoberu dimaku oo oŋga noreya. ¹⁰Buru raŋgbaŋine ore foriine oi damaŋ yoo totogo fukeya. Munaŋqoqo Raunoŋunji fukeru Anuture yaunmoriri kese noreya. Kristo

^a 1.2 Apo 16.1 ^b 1.5 Apo 16.1

Yesuji fukeru komere usuŋ qaku bawakiru rakame Bobiaŋ Biŋeine barariŋga noreko tamaeya. Biŋe buŋo oi manesiŋ garu soine gogo sanaŋine bofukeru tatariine tomiri sanaŋgaru goku damaŋ mogo so kome sanaŋine so komekiminŋ.

¹¹ Anutuji noŋ Bobiaŋ Biŋe mitaniŋgaru ŋiŋigo qaji yarebemiŋ ore igodoŋ nuko sosore ŋi aposol fukego.^c ¹² Aposol fukego ore eru gioine sanaŋgaru babe goineji igosisi narebi joiserereŋ maneego. Sombuŋ ŋi manesiŋ gaego, nonji iŋore fuŋne fiine akoŋ mane mukugo. Ore eru koimo dimaku mimi so maneego. Mata yobu! Anutuji manesiŋ nuru Biŋe gioine noreya ore so noŋ siŋaŋ nuiŋ ore sanaŋgaru goga, oi mane mukugo. Oŋu mane mukube gioineji so jibugaru wakiko go roperu damaŋ yasogoo ropekiminŋ. Oŋu manesiŋ garu ore eru maŋyoyoka so ego. ¹³ Mamanesinde buŋo oi maŋnoŋuŋ bobiaŋgaŋ ore so fukega, nonji buŋo foriine oi qaji gareru mosi fiine gaduru gobonŋ. Oi maŋ kiniŋgoo ruaru oŋuakoŋ boyoberu goigoŋ. Niŋo Kristo Yesuke qakatoru moko dimabeneŋ manjoko enoreega, goji manjoko ore maŋineo goigoŋ.

¹⁴ Anutuji ŋone guru manesiŋ guru ya fiine sosowo gareko biŋego fukega, oiji egu bokende jibugaŋ ore oi siŋaŋ garu goigoŋ. Moro Tiriineji maŋnoŋuŋgo goga iŋore usuŋ paiineo ya foriine oi poretiŋ siŋaŋ gande peine.

¹⁵ Eisia prowinsre muraŋpune yoŋoŋi sosowo boke nuru ŋadi nubi, oi manege. ŋi tinayakuŋ Figelus eru Hermogenes yokoji yoŋore botugo gogobire. ¹⁶ Goineji boke nubunyoŋ, Onesiforus iŋoŋi mata. Ore eru Ofoŋ, go Onesiforusre garikiŋpu ŋonemaŋ eyarende goniminŋ. ŋi oiji nonde gbedinere (nigiŋ) mimi so enaregayoŋ, damaŋ kokoine oo beufi enareko maŋne waigo eya. ¹⁷ Onesiforusji Rom sitio yoo waperu damaŋ oo akoŋ nonde yameŋ keku baaru goku bofuke nuya. ¹⁸ Iŋoŋi rone Efesus sitio uruŋu babapi yasogo kokoine eru baku afaga nuru goya, oi gogake soine mane mukuge. Ore eru damaŋ yasogoo Ofoŋ goyoŋineo ropebeneŋ Onesiforusji ŋonemaŋde furi bofukeiŋ ore oŋga wosigo. Oŋu.

Kristo Yesure eru jigo qaku goigoŋ.

2 ¹ O maŋkekerisie madene Timoti, go Kristo Yesuke qakatoru yaunmoriri maŋgo qiŋ keru sanaŋgaru dimaigoŋ. ² Nonji Biŋe buŋo qaji garebe kokoineji ŋone nuru kitiŋgaku mibi manende, oi ŋiŋigo manesiŋ yabenimiŋ ore so fukegobi, yoŋore biŋe eiŋ ore yareigoŋ. Oŋu yarende peko soine ŋiŋigo goine jikigaru qaji yarenimiŋ ore so fukeinebi.

³ O Timoti, go Kristo Yesuke dimaku iŋore mamari ŋi kuririgoke fukeru yameŋ keku sanaŋgaru jigo qaku goigoŋ. Igosisi egarenimiŋ, ore joiserereŋine maneru karieru osigaru goigoŋ. ⁴ Mamari ŋire kamasiine oi

^c 1.11 1 Tim 2.7

inji: Mamari siŋaŋ qoruyanunji ŋi oga yabeko mamari kubure buruo roperu ra wareru gio damaŋ so baku gogobi, yoŋoji sosowo siŋaŋyanunji mitigaega ore so reŋgaru enimiŋ ore jaueru dimagobi. Oŋu dimaku yoŋoyanunde gogore kikitin ore ya mo so baku gogobi. Manji roroin so gogobi.

⁵Ore soso buŋo mo oi inji: Masiri ŋji sisirio roperu mimiti siŋaŋinere buŋo odureru kosa giningaru raga, iŋoji kuririineke so fukein. Injore qoruineo gbij eere hendiŋ mo so ketebi rakain. Ore eru go poretin akon raigon. ⁶Oŋuakon sasari ŋji gio yasogo bame foriine fukeko bonieru raru mine baku noko sagain. Goineji wiriebuŋ, yoŋoji injore ŋadio warenimiŋ. Go ore so sananaru gio baku goigon. ⁷Buŋo quranŋago, oi osegaru maneru yobinŋande Ofonji maŋgboron gareko oi sosowo soine mane taniŋgaigon. Ore eru oi maŋ kiniŋgoo ruaru manesuku goigon.

⁸Yesu Kristo manesuku goigon. Nonji Bobian Biŋe mitaniŋgaego, Yesuji buŋo ore so kin Deiwid osigidaine fukeru Munanqoqo Rauine fukeko Anutuji bogboreme komegone pakereya.

⁹Nonji Bobian Biŋe buŋo oi yameŋ keku mitaniŋgaru igosisire joiserereŋine manebe suroŋqoqo ŋi oŋuine niginji kipe nubi ŋego. Oŋu ŋegoyon, Anuture Biŋe buŋo oi so nigiŋgaru kipebuŋ. ¹⁰Fuŋine ore eru nonji joiserereŋ sosowo maneru karieru sananaru dimago. Anutuji ŋiŋigo injoyonunde roosoe yabeya, nonji yoŋore eru yameŋ keku jigo qaku gogo. Kristo Yesuji munan qa yareko yoŋoji oŋuakon qowirieru seŋgiŋbaŋgin fukenimiŋ ore manego. Maŋyanuŋ kerisieru gonimiŋ ine, Sombunde kuririquranŋo roperu tatariine tomiri sananaru go ropenimiŋ. ¹¹Buŋo yo sanan qanqanine fukega:

“Noŋuŋ maŋnoŋuŋ ranŋbaineji iŋoke moko komeko gogobeneŋ ine, oŋuakon iŋoke sananaru gokimiŋ.

¹²Iŋoke moko joiserereŋ maneru karieru gogobeneŋ ine, oŋuakon injore qorumaŋ maŋgo iŋoke siŋaŋyayabe gio bakimiŋ.

Noŋuŋ iŋo mugagobeneŋ ine, iŋoji oŋuakon muga noberu ŋone noberu takigain.^d

¹³Noŋuŋ ŋadi gatebeneŋ geoine bokirie noreiŋgo ore buŋo kipeme pega, iŋoji oi kepieiŋgo ore embimbiŋgain.

Mitiŋbotin eru injoyonunde fuŋne qopieŋgo ore mosobofukeega.

Ore eru etaŋqataŋ eru buŋonoŋuŋ gben akon so boyobekimiŋ ine, iŋoji jibu (poretin dimaku) buŋoine damaŋ so boyoberu ore so enoreiŋ.” Oŋu.

Anuture Biŋe giore ŋiine inji fukeru goigon:

¹⁴O Timoti, buŋo yo egu niga guiŋ ore oi mi gboreru eyareru Anuture jiŋo maio inji mitiga yareru goigon: Mamanesinde buŋo maru fuŋne

^d 2.12 Mat 10.33; Luk 12.9

fuŋne oi babokiriru gbedigaru so osoeru dimainebi. Mikoboboji so yobu bapi nobeegayoŋ, goineji noigoi buŋo oŋuine maneru bobojibu fukebuŋ mamanesiŋyaŋunji jibugame egu sibiriganimiŋ. ¹⁵Goji Biŋe giore baesoi fuŋne fuŋne oi gbiŋ ruande Anutuji ŋone guru “Sagage,” miŋ ore yameŋ keku dimaiŋoŋ. Go Kristore giore mimigo so maneru goigoŋyoŋ, Biŋe buŋo foriine poretiŋ boroŋgaru maŋyaŋuŋ bapakare yaberu goigoŋ.

¹⁶Morende buŋo mitomi omaine omaine oi bio yoberu ŋadi gaigoŋ. Goineji oi misaueku goku oŋuine oo morende aŋŋiŋineo qakatoru Anutu jikigaru qaŋouma eru witijibu eegobi. ¹⁷Wi sanaŋine (tinaine kensa) oiji saki fuyaŋuŋ siriineke qaku kime sogueru raega, yoŋoji ore so buŋo omaine miku oiji ŋiŋigo bosembea yareegobi. Yoŋore kubuone ŋi yoyoka tinayakuŋ Himeneus eru Filetus gogobire. ¹⁸Yokoji buŋo foriinere fuŋne bokeru tiŋtuŋ qaku buŋo rekaine iŋi miegobire, “Maŋkekerisie ŋiŋigo noŋuŋ gboreru pakareru gogobeneŋ. Ore eru jiki komegone moke so gboreru pakerekimiŋ.” Oŋu miku goine bojiqojibu eyarebire mamanesiŋyaŋunji sembeaega.

¹⁹Oŋu sembeaegayoŋ, Anutuji otuŋ sanaŋ qaŋqaŋine ureya oiji jibu so pariru dimaga. Ore mogeine oi iŋi quraŋgabi pega, “Ofonji iŋoyoŋere biŋe fukegobi, oi mane muku yabega.” Mogeine mo oi iŋi, “Iŋiŋigo Ofonde tina roru oŋgaegobi, sosowo yoŋoji bio eebobo sembene qa yoberu goinebi.”^e

²⁰Pi soguine oo jua, dero, pere, gomba, qajagu fuŋne fuŋne pega. Goine yoji eru afe morenji bakine, oi damaŋ so roru gioo ruaegobeneŋ. Goine goul eru silwaji bakine. Kuririyaŋuŋke oŋuine oi jeri damaŋineo akoŋ gioo ruaegobeneŋ. ²¹Ore so moji buŋo omaine bokeru iŋoyoŋe kekeririke eega, iŋoji dero goulji bakine oŋuine fukeiŋ. Rauineji oi roru gio kuririinekeo ruame baeiŋ. Oi bako touŋmoririineke fukeme Soguneineji iŋore jerieeiŋ. Anutuji bagbagbaga gume qembibiineke dimaku gio fiine sosowo baiŋgo jaueru dimaiŋ.

²²Jeŋoŋ gogore aŋi sanaŋine sembeneji egu siŋaŋ guiŋ ore go sisiŋaŋ eku goigoŋ. (Giogore foriji egu wakiŋ ore oi migo.) Eesoigo pore guegobi, oi bio use teru ŋadi qaku gogo yo oŋuine goiŋgo yameŋ keku goigoŋ: Iŋiŋigo maŋ gbagbataeŋinere paio Ofon bapi yabeiŋ ore oŋgaegobi yoŋoke eebobo poretiŋ boyoberu Anutu poretiŋ manesiŋ garu fofori manji jojoko naduŋgadun eku womoo goinebi.

²³Goineji kajeboji buŋo mitomi miku noigoi migobobo ebi kekepari fukeega, oi fofori manege. Ore eru oi bio yoberu ŋadi gaku goigoŋ.

²⁴Ofonde gio bobo ŋi fukega, iŋoji kekepari baiŋ ore so matayoŋ, ŋiŋigo sosowo waigo paiineo eyareku afagaru qaji yareru goigoŋ. Sisiri etebi oi sanaŋgaru maneku kariyeru goigoŋ. ²⁵Goineji kiso etebi

^e 2.19 Jare 16.5

oi soine maŋwomo paiineo qodureku botiŋ yabeeigot. Onu eyareko Anutuji maŋyaŋuŋ bowirieke soine Biŋe buŋo mane mukuru maŋyaŋuŋ kerisienobuŋ. ²⁶Kiso ŋiŋigo yoŋoji Sembene Rauinere suba bitiŋgo odetaribi niŋiŋgame miine reŋgaru eegobi. Onu eru maŋyaŋuŋ untome maŋ mamanesuyaŋuŋ fukeko Sembene Rauinere niŋiŋ gbedione keŋgoroŋgaru wakinobuŋ. Onu.

Damaŋ tatariineo gogo sembearu wuwunuŋineke fukeiŋ.

3 ¹Buŋo koruŋ yo mane mukuru goigot: Yesu wawarere damaŋji bembengako ŋiŋigo fuŋneyaŋunji sembeako tatariineo gogo bibiineke iŋi fukeiŋ; ²Ŋiŋigotji yoŋoyaŋunde akot manesuku monet ya roku roinŋo ore ebu (greed) eenimiŋ. Sakiyaŋuŋ miteŋ gaku qorua otuine toyaŋuŋ qoromureru sigopou goku maŋqoqo buŋo fofoine kosa mienimiŋ. Maŋgo mamapuyaŋuŋ yoŋore mi so reŋgaru ya fiinere daŋge so miku nayaqaya (nomenika) eenimiŋ. Anuture keta eru qaqouma eenimiŋ.

³“Ŋoyoyunde yobiŋ,” miku beusembe mamane so eenimiŋ. Goine yoŋore agiburaŋ so bokeru ore maŋsembeine osigaenimiŋ. Ŋadiqoqo buŋo kisoŋgaru miku yoŋoyotŋe so sisiŋaŋ eku ŋiŋigo poreru qaimo eyareenimiŋ. Eebobo fiinere taki yabeme useenimiŋ.

⁴Babae baku yoŋoyaŋunde aŋi boyoberu qaŋgoqasa qaenimiŋ. Sigopou goku jauba-irinbirinji maŋyaŋuŋ puteme maŋjo eenimiŋ. Saki fure aŋi jeriyaŋuŋ ore aŋi kokoine maneru Anuture manebi wawakiine fukeme qaŋaŋine oobe ruaenimiŋ. ⁵Anuture Biŋe gio mobeine sowo osigaru keoma eru Sonda buru kosa boyoberu gbedigaegobiyot, eeboboyaŋunji Anuture usuŋ oi kikirangaŋgaru mugaegobi. Ŋiŋigo otuine oi ruge ruaru use teru ŋadi yaberu goigot. ⁶Yoŋoreone goineji kosa roregaru ŋiŋigo piyaŋuŋgo roperu buŋo jijiji midobodo eyareku kajeyaŋuŋ qofonŋaegobi. Kajeyaŋuŋ qofonŋabi ŋigo goineji wirieru yoŋoreo qakatoegobi. Ŋigo agiburaŋyaŋunde mimire eru waki yabeko aŋiyaŋuŋ sanaŋine fuŋne fuŋne oiji yoro-ohe eyarebi jijibu egobi, yoŋoji oi qaŋge serot manera baku qukarieru yabebi buŋore bitiŋyaŋuŋgo waki yabeega.

⁷Ŋigo otuine yoŋoji mane yobiŋgaru jijiki buŋo qaji yarenimiŋ ore gbedigaru maneegobiyot, Biŋe buŋo foriinere fuŋne oi damaŋ so mane mukuiŋgo embimbiŋaegobi. ⁸Ijpt kantrire riubobo ŋi tinayakuŋ Janes eru Jambres yokoji Moses kiso etebu. Ŋiŋigo qaqaŋibuine yoŋoji yokore so Biŋe buŋo foriinere kiso eegobi. Ŋiŋigo otuine yoŋore mamaneji jibugame witijibu fukegobi, oi Anutuji mamanesiyaŋuŋ baesoi bako waki yabeko Ofonŋe didimayaŋunji gbaŋiŋ.^f

⁹Damaŋ pomponŋine sakiyaŋuŋ ba ropeenimiŋyot, gioyaŋunde fori oi damaŋ so joroko jaŋgaru mataeiŋ. Ijpt ŋi yokore fuŋne totogo fukeya,

^f 3.8 Eks 7.11

yoŋore witijibure fuŋneji ore so totogo fukeko ŋiŋigo sosowoji oi ŋone mukunimiŋ. Oŋu.

Polre mimiti buŋo tatariine

¹⁰Yoŋoreo oŋu fukeiŋyoŋ, nonji gogonere moge furuine igodonŋaru buru ruaboŋ. Ŋiŋigo Biŋe buŋo qaji yareru eebobone eba eku gobon, goji oi ŋoneru mane forege. Gogonere moge boyoberu mamesinde kekegbore gio damaŋ so baku joiserereŋ maneku karieru gobon, ore binaŋine miku mibi mane sarigage. Maŋkekerisie ogopune maŋneji jojoko eyareru gobon. Kiso eku igosisi enarebi oo yameŋ keku sanaŋgaru dimaku gobon. ¹¹Kekesuesue sisikoŋkoŋ fuŋne fuŋne enareku gobuŋ, oi manege. Antiokia, Aikoniam eru Listra taonŋ yokaomo oo joiserereŋ nonde paio ropeko koŋkoŋ maneboŋ, oi ya mimiine fukeya. Yei, mamagore sia! Igosisi maneku karieru osigaru gobonŋyoŋ, Ofonji oi sosowo oone bomuku nuya.⁸

¹²Buŋo yo maneigoŋ: Ŋiŋigo Kristo Yesuke qakatoru dimaku gogo sanaŋine goku ore kekegbore gio baiŋgo maneegobi, oi sosowoji kekesuesue bofukeniŋi. Nonŋ igosisi enarebuŋ, ine, goine ŋoŋo oŋuakoŋ eŋarenimiŋ. ¹³Riubobo ŋiŋigo sembene Biŋe gio sasaki baku mumutu qaegobi, yoŋoji jikigaru sembeqambearu gonimiŋ. Yoŋoji ŋiŋigo goine eadu yareru yoŋoyoŋe oŋuakoŋ eadu ee eku gonimiŋ.

¹⁴Yoŋoji oŋu gonimiŋyoŋ, Timoti go Biŋe buŋo foriine maneru maŋ wombunŋoo ruaru maŋyoka tomiri manesiŋ gage, oo jikigaru qiŋ keru dimaku sanaŋgaru goigoŋ. Uri yoŋoji qaji garebuŋ, go yoŋore fuŋne mane mukuge. Oi manesiŋ yabege ore eru Biŋe buŋo gbeŋ roru so gbaŋjiru bokeigoŋ. ¹⁵Maŋkekerisiere Biŋe Quraŋ Tiriine oi gbiegoone akoŋ mane sarigaru go wapemeŋ. Go oi oseru manesunde maŋgboroŋgo tamaeko ore paiineo dimaku Munaŋqoqo Rauinere fuŋne mane taniŋgamiŋ. Oi mane taniŋgaru Kristo Yesu manesiŋ gande munaŋ qa gareko jikigaru qowirieru goigoŋ.

¹⁶Anutuji Biŋe Qurande buŋo sosowo oi ŋiŋigo goine boburo yabeko quraŋgabi iŋi bobianŋ nobeiŋ ore pega: Oi osebeneŋ Anutuji maŋnoŋuŋ boburoru kadi foriine qaji noreru sembenenoŋunde ore kane noberu botiŋ nobeega eru gogo posiine gokiminde kajeqouŋ enoreru kegbore noreega. ¹⁷Anuture ŋiŋigo noŋuŋ oi oseru kegboreru Anuture mire so sanaŋgaru kuririnoŋuŋke fukeru gio fiine sosowo bakimiŋ ore jaueru gokimiŋ. Oŋu.

Polji gioine igokoine Timotire paio ruaya.

4 ¹Kiŋ Ofonŋoŋuŋ Kristo Yesuji fukeru jiŋoke gokimiŋ, me komeru pekimiŋ noŋunde buŋo osoeru mitariku goine noŋuŋ qorumanjineo

⁸ 3.11 Apo 13.14-52; 14.1-7, 8-20

ruaru siŋaŋ nobeiŋ. Nonji Yesu oi eru Anutu yokore jiŋo maio dimaku go mande gio bamiŋgo ore mitiga garego. Oi boyobeiŋgo miku buŋo oi mimipaŋ buŋoji kipende manebe sagaiŋ.

²Iŋi mitiga garego: Goji Biŋe buŋo miku ŋiŋigo maŋyaŋuŋ bapakare yaberu goigoŋ. Manenimiŋ ore damaŋinere manebi sagaga me so sagaga, jibu yameŋ keku pakareru buŋo mitaŋgaru goigoŋ. Ŋiŋigo seiŋyaŋunde ore miyareru botiqotiŋgaru siŋaŋ bobo buŋo miku mande buŋo yajiku goigoŋ. Buŋogo manenimiŋ me so manenimiŋ, oi jibu maneku kariŋeru dimaku kadi foriine damaŋ so qaji yareru goigoŋ.

³Noŋuŋ mamanesinde buŋo damaŋ yoo ŋiŋigo fianimiŋ ore qaji yareegobeneŋyoŋ, damaŋ mo wareru fukeme oo mamanesinde buŋo mobeine mo egu manenimiŋ ore useru kajeyaŋuŋ kebojinimiŋ. Buŋo furuine furuine manenimiŋ ore kajeyaŋuŋ joroko ŋire ŋi boakoŋ yobu furu yabebi wareru ŋiŋigo buŋo oi me oi maneniminde aŋi manenimiŋ, ore so qaji yarebi gonimiŋ.

⁴Oŋu goku Biŋe buŋo foriine egu manenimiŋ ore qaqouma eru kajeyaŋuŋ kebojiru nemu saiŋ kosa miegobi, yoŋore obe kirieru kaje ruaru maneru gonimiŋ. ⁵Gogo oŋu me oŋu qopieru fukeiŋ, Timoti go jibu qiŋ keru sananŋaru dimaku eebobogo poretiŋ sisiŋaŋ eeku goigoŋ. Sisiri egarenimiŋ, ore joiserereŋine maneru kariŋeru osigaru goigoŋ. Maŋbapakare (ewanjeliŋ) ŋire gio buru oi sagaru sosowo ba foreigoŋ.

⁶Damaŋ joroine bapi gubemiŋ ore embimbiŋgabemiŋ ore oŋu migo. Nemu gboŋ miteŋ gakimiŋ ore joma qaku korogo ruaru rigabi jukondunji ropeeya. Ore so nonji gogone Anuture eru kisiŋgaru gioine baku goboy ore gawman yoŋoji buŋone kipebi nakenere dari kesebeminde damaŋne bombenŋago. Moreŋ yo bokebeminde damaŋji bio wareru fukeiŋgo bembenŋaru wareme manego.

⁷Masiri ŋiji sisiri damaŋineo gbiŋ eiŋgo ore tobiriine sosowo qojugaru giŋiŋgaru raga, nonji ore so mamanesiŋ keboreru sisiri kuririineke eforego. Kristo manesiŋ garu miine reŋgabemiŋ ore buŋo miku kipeboŋ, oi so kesonŋaru mugaboŋyoŋ, ore jigoine damaŋ so sananŋaru qaku goboy.

⁸Ofoŋji mimitari Rauine poretiŋ fukeru gogone osoeru posiine fukeru goboy, ore hendiŋ boteine oi mitari nareme nonde odi nuru pega. Ofoŋji kirieru wareiŋ damaŋ oo oi nareku ubeneo keme rakako tinabiŋeneke fukebemiŋ. Oi noŋ akoŋ so nareiŋyoŋ, ŋiŋigo maŋji jojoko eteru moke fukeiŋ ore odigaegobi, oi yoŋore ubeo oŋuakoŋ keme raka eyareiŋ. Oŋu.

Ogopuneji boke nuru siŋsaŋ rabuŋ.

⁹⁻¹⁰Damaŋ yoo morende eebobo eba eegobi, muraŋne Demas iŋoji maŋine eebobo oo kiperu boke nuru Tesalonaika sitio raya. Ogone Kresens iŋoji Galesia prowinsgo raya. Taitusji Dalmesia moreŋgo raya.

Ore eru go pipa nondeo wareiŋgo yameŋ keigoŋ.^h ¹¹Luk iŋoji iŋoyoye akoy noke gogobere. Makji kiŋaŋ qa nareŋ ore kokoine maneru iŋore embimbiŋgago. Ore eru Mak ogagaru moko warenimi.ⁱ ¹²Ogone Tikikus sorebe Efesus sitio raya.^j ¹³Troas taonŋo goku marikune ŋi tinaine Karpus iŋore pigo bokeboŋ, oi roru wareigoŋ. Oŋuakoŋ quraŋ lama sakiineo quraŋgaru poporiŋgabuy, nonde lama sakiine oi yameŋ keku roigoŋ eru ore ŋadio buk goine oi oŋuakoŋ roru wareigoŋ.^k

¹⁴Aleksander, silwa aey rigaru babakatore ŋi manege, iŋoji sembene fuŋne fuŋne kokoine enareku goya. Ofonji eeboboine osoeru ore so geoine bokirieme paiineo ropeko joiserereŋ maneŋ, oi manego.^l ¹⁵Iŋoji buŋonoŋunde kokoine kiso enoreru goya. Ore eru go oŋuakoŋ iŋore sisiŋaŋ eku goigoŋ.

¹⁶Ate fuŋfuŋgaine qoqodure buŋo koro qoruineo rua nubi buŋone tife mibe moji mo so wareru noŋ kitŋi nuru miyayoy, ogopune sosowo yoŋoji totieru boke nubuy. Anutuji agiburayayayuy ore tife paiyayuygo egu ruaiŋ ore oŋga wosigo.

¹⁷Yoŋoji boke nubuyoy, Ofonji bapi nuya. Nonji Biŋe buŋo miku ŋiŋigo maŋ bapakare yaberu gio oi sosowo ba forebemiŋ ore eru basanaŋ nuya. Kantri sosowo yoŋoji Biŋe oi manenimiŋ ore maneru bapi nuru laion rigaŋine yoŋore mi siroŋyayuygo egu boke nunimiŋ ore sabareku miyayuygone bomuku nuko wakiboŋ.

¹⁸Ofonji sembene fuŋne fuŋne egu banarenimiŋ ore bomuku nuko soine Sombuy qorumaŋinere maŋgo paibe ropebemiŋ. Ofonde tina jijiki miteŋ gagobeneŋ damaŋ tatariine tomiri kuririineke fukeru pe ropeiŋ. Buŋo oi foriine.

Momojo buŋo tatariine

¹⁹Go nonde momojo Prisila eru ŋoeine Akwila yokore eru Onesiforusre garikiŋpu yoŋore minde maneinebi.^m ²⁰Ogone Erastus bokebe Korint sitio goga. Trofimus oi Miletus sitio bokebe jibe bame pega.ⁿ ²¹Ore eru kueyoiko damaŋ so wareme rurumaŋineo yoo nondeo wareiŋgo yameŋ keigoŋ. Ŋi tinayayuy Yubulus, Pudens, Linus, Klodia eru maŋkekerisie ogopunoŋuy sosowo yoŋoji momojoyayuy miku ruabi goreo foga.

²²O Timoti, Ofonji qoqotigo mifiagaru goke dimaine.

Anature yayumoriŋi ŋoŋoke peine. Oŋu.

^h 4.9-10 Kol 4.14; Flm 24; 2 Kor 8.23; Gal 2.3; Tai 1.4 ⁱ 4.11 Kol 4.14; Flm 24; Apo 12.12, 25; 13.13; 15.37-39; Kol 4.10 ^j 4.12 Apo 20.4; Ef 6.21-22; Kol 4.7-8

^k 4.13 Apo 20.6 ^l 4.14 1 Tim 1.20; Kiki 62.12; Rom 2.6 ^m 4.19 Apo 18.2; 2 Tim 1.16-17

ⁿ 4.20 Apo 19.22; Rom 16.23; Apo 20.4; 21.29